



田園雜興

全



柳田文庫
文庫11
D 196

柳田
文庫
D 1



文庫社
D 196

明徐無公著

田園雜興

四時田園雜興六十首

田園雜興

凡人之好^ト酒^ス必^ト好^ス友^ト同^セ為^ル好^ム
 葉^ヲ必^ス取^ル下^ニ同^セ為^ル於^テ是^ニ
 一^ク於^リ毛^リ友^人如^所言^ハ海^濱
 吏^ノ嘗^テ揮^テ新^ク集^ム之^ヲ於^テ也^ニ
 古^ク同^ク好^ク之^ヲ指^テ千^ニ里^ノ昔^ノ也^ニ
 之^ヲ海^濱也^ニ於^テ是^ニ也^ニ

田園雜興 序

010190555971

可知稼穡之報，豈未始多補聖民仁物之義。或謂
范之此序，宗必在字公以主，亦出稼穡之報，亦必中
止公字，因賦此以見意，此之難，未必然，亦必以激
予言，考之，任庚子撰，以室，海，草，洞，高，海，遠。

序并玉園


序

宋范石湖吳中田園雜興六十首鄧司農汝高
取而和之晉安風景摹寫略盡矣余鉛槧之暇
撥拾見聞次為是編汝高以軒冕之華術丘園
之賁語反切情余以草莽之臣談農圃之務言
無足采則鐘缶之不同音而升釜之不同量也
况汝高已著不敢復陳閩俗所無不敢飾說觀
風成謠如斯而已第學步者不責其善跡啜醜

田園雜興
序

者不嫌其無味以此自解大方君子其或恕
萬曆丁酉陽月閩郡鰲峰徐勵序

田園雜興

鰲峰徐勵興公著

菊圃高澤達源夫梓

春日十二首

村村簫鼓沸春風新換宜春帖子紅爆竹數聲
門盡啓大家羅拜祝年豐
五更燈燭接神回鄉俗今朝節假開留客不愁
珍味少蠟房滿担上街來

田父相邀出近隣，盃餐雖舊酒偏新。歸來不記
村中巷，滿路兒童鬪醉人。
才看微霰洒寒梅，又見陽和送暖來。山北山南
紅似錦，桃花正月一齊開。
燈放魚龍燭影搖，神前釀酒慶元宵。村童社鼓
聲聲急，拾得松枝徹夜燒。
新綠初生屋角遮，谷風吹曉入籬笆。尋香蛺蝶
紛紛過，開遍林中芥菜花。

聽得山鳩卜雨暘，家家兒女趁田忙。就中亦有
如花貌，也踏深泥學插秧。
近水柴門覆白茅，日長無客到來敲。雙雙舊燕
知春社，上下呢喃覓故巢。
不思羅綺製衣裳，男女篝燈織布忙。一片閒園
三十畝，但栽麻苧不栽桑。
偃臥藜床閉竹扉，一簾花影夢魂飛。晝長人靜
春眠穩，萬轉鶯聲喚不歸。

上巳清明風日嘉滿籬開盡佛粟花踏青遠訪
前溪友枸杞新苗一點茶

春事闌珊暖氣和小池風皺綠如羅垂楊遮斷
行人影翡翠銜魚左淺沙

晚春十二首

細草如烟綠滿溪曉來詩帚口窓西山家□□
無狼籍只有飛花與燕泥

節序欣逢三月三無邊春色在溪南滿園野菜

花如雪遊女攀來兩髻簪

盤石陰中坐晚霞較量晴雨說葉麻閒來因數

興衰事眼見田園歷幾家

春晚茅簷結晝陰萬條寒玉翠烟深籬邊雨過

初生筍不放閒人步入林

郭外新墳歷古墳聲聲杜宇咽黃昏白楊慘淡

松楸老祭掃誰家有子孫

垂柳如絲弱又輕家家折取記清明橋邊斷盡

參差影少聽黃鸝四五聲

空洲一望接平沙高湧新泥淺水涯從此權門

都占却更無半畝屬民家

日午雙蝶影微流鶯誤撲落綃衣粉痕貼地

香魂死明日花間獨自飛

數本芭蕉夜雨時聲聲葉葉響參差只因滴破

春宵夢剪却當窓三四枝

春流一夜水平堤菱葉縱橫荇葉齊分付兒童

須愛惜莫驅鵝鴨浴前溪

乳燕將雛戲屋前麥風微動困人天苔花鋪地

重重繡荷葉盈池小小錢

拼欄樹綠與雲齊躑躅花殘踏作泥九十春光

今欲盡日斜芳草鷓鴣啼

夏日十二首

十里平疇接果林夏初天氣半陰晴夜來一陣

黃梅雨熟盡枝頭萬顆金

洋田黃鸝長新芽男婦朝昏踏水車留得老翁
將稚子持筐山後摘枇杷

檢雨連旬水滿塘更衝溪漲白微茫家家撒網
截前浦打得江魚三尺長

新水江頭綠漲天端陽金鼓鬪龍船舍南舍北
兒童喜學得山歌唱採蓮

五月楊梅火滿山炎風暑雨熟林間枝頭顆顆
鮮紅色不讓西吳太子灣

自開荒坂力艱難田土雖磽畝步寬一自丈量
都受稅更無閑地不歸官

小塘東畔剝鮮菱稍喜清涼解鬱蒸更買崎山
瓜似斗剖開甜雪嚼紅冰

山靜人稀日似年碧梧陰下枕書眠晚涼散步
重林外閑看痴兒學捕蟬

新稻如雲鼠雀肥農家稚子尚啼饑主家日夜
田頭守不敢先收半穗歸

朱夏園林日正長，筠籠摘下荔枝香。
尾盆浸出江家綠，一道寒冰沁齒涼。

古榕夾道綠槐新，獨坐乘涼野水濱。
日暮清風滿衫袖，絕勝騎馬逐紅塵。

手握蒲葵樹影邊，火雲散盡夜涼天。
藕池風送荷香遠，月在松西未忍眠。

秋日十二首

連枷打稻大家忙，半積高田半入倉。
厨下軟炊

新米飯一盃，先薦祖宗嘗。

為愛山中事事閒，居又值早秋。
時獼猴獨去偷梨樹，山鳥群來啄棗枝。

蜀葵花發豆花紅，粧點田家秋色濃。
臨水棘籬門半掩，晚風吹落醉芙蓉。

晚稻登場大火流，野田黃雀噪啾啾。
老翁飽飯渾無事，倚杖池邊看洗牛。

少兒曉去剷松柴，日影啣山不見回。
獨上後岡

高處望雲邊相逐唱歌來

雲滿棕簑雨滿犁華門長閉蓼花西旋看潦水

溝塍落漸漸流來白菜畦

兩隊鳧鷖浴暖沙一雙鷗鳥泊蘆花梁間燕子

辭秋社窗外蜂王放晚衙

螢火如星點點飛庭前來往照人衣隨風□入

山窓裡穉子閉門不放歸

炎夏常愁暑氣來清陰最惜數株槐于今□□

中秋月一任西風吹滿堦

收來禾黍滿倉箱蕭瑟西風入戶涼長日秋陽

堪晒穀夜深明月照春梁

滿叢黃白菊交加次第籬邊盡吐花數尺短籬

花一丈分將秋色與隣家

秋晚閑行出近村驚逢小吏索租喧應知新月

催徵起幾日身愁到縣門

冬日十二首

流水柴門十月天，清霜摧破半池蓮。
 山中一夜新寒起，布被忙催着木綿。
 菠薐青嫩滿蔬園，日影熹微照竹門。
 七十老人寒曝背，持竿墻下守鷄豚。
 午飯山瓢進芋羹，濁醪初熟浸黃精。
 山妻厨下醃菜菔，小婦園中掘蔓菁。
 果園數畝護垣墻，柑橘迎冬樹樹香。
 惟底曉來紅似錦，林中昨夜有新霜。

農事初成樂有秋，水田黑水及時收。
 買將麩米臙脂色，速喚山童補酒筍。
 種得寒梅一兩株，水邊籬下雪花初。
 尋詩自覺閑行好，不向橋西策蹇驢。
 禾稿燒烟雨後濃，畬田火耨值隆冬。
 數聲雲碓溪頭響，十斛香粳水自舂。
 黯黯寒雲四野同，雪花如掌積山中。
 農夫共慶江南瑞，占得明年歲又豐。

甘向_テ田園老此身_ヲ白頭歡作_二太平民_一梅花樹下
看新曆_ヲ甲子重過_テ又幾春

臘盡郊原萬木殘北風吹折_レ百花闌夜來親自
移盆景恐有_二嚴霜壓_レ蕙蘭_一

山童持斧竹林迴斫得_レ傍枝縛_レ帚來_二圭竇華門_一
皆掃淨不容半點着_レ塵埃

一歲韶華此夕周山家無樂亦無愁城中多少
營營客不到雞鳴不肯休

止

小傳

燭字惟和燭字惟起又字興公閩縣人永寧令
槲之子也兄弟皆擅_二才名_一惟和舉萬曆戊子鄉
薦十餘年不第風流吐納居然名士其詩為張
幼于王百穀所推許有幔亭集屠長卿序之興
公博學工_レ文善_レ艸隸書萬曆間與曹能始狎主
閩中詞盟後進皆稱興公詩派嗜古學家多藏
書著筆精榕陰新檢等書以博洽稱於時崇禎

己卯偕其子訪余山中約以暇日互搜所藏書
討求放失復尤遂初葉與中兩家書目之舊能
始聞之欣然願與同事遭時喪亂興公能始俱
謝世而余頽然一老無志於斯文矣興公之子
延壽能讀父書林茂之云劫灰之後興公鰲峰
藏書尚無恙也

明列朝詩選

勵初字惟起更字興公閩縣人有鰲峰集

南損齋云興公聚書至數萬卷所居鰲峰麓客

從竹間入環堵蕭然而牙籤四圍縹緗之富卿
侯不能敵也其考據精覈詩自樂府歌行及近
體無所不備

並明詩綜

2

文庫

11

96

